

ZAKI 'LETRE 'LA YƆƆNDIA- Zaki 'letre 'la yƆƆndia 'bhe ngblo

-Dele 'ke Zaki 'le ee? Mee -bebe pe dɔɔ Zaki -o 'ke Meezan Zesu Krisi neene- 'le (Matie 6.35, Maki 6.3, Galasi 1.19, 1 Korenti 15.7). -E -yaa Zesu 'yi mu -ledo' 'la 'yaa- Zeruzalemu 'mu a zilee- mu 'e do 'le (Kleza 15.13-21, Galasi 2.9). Zaki 'letre 'lee- ɔdia, 'bhe- -ya ɔkpa Izraeli -gbaa vu ta ple 'e ni. 'Duŋ- yaa -yaa -we 'zi 'ke Izraeli -gbaa gwe -zeze 'gbu mu 'e 'le, -e -yaa -we 'zi 'ke Zuufu mu 'la -woo 'gbu ɔnaa Zesu ni 'mu -la -le. Mee mu ɔyaa -yren 'la 'kpa zii' 'mu ta, 'bhe- -yile 'mu -gwa Izraeli 'kleen 'e 'yi, 'bhe- 'mu -ja 'kleen 'bheke mu 'yi. Zaki pe dɔɔ 'bhe Zuufu -gloɔn mu 'e 'mu -le -Waanbhaa' a mee kplankplan mu 'e 'le. 'Letre 'lee- 'yi, -e zruwlaa- -o 'kpee dɔɔ -woo ta -yren mu 'e 'yikun. 'Bhe- -ya ɔpia -o ni 'ezin- dɔɔ -woo 'gbu kle -zadɔ' mu 'le, 'bhe- -woo ngblo 'kpala -o -lee mu 'e ɔla, 'bhe 'pegee 'ke -o 'taawo 'elrele -waa' 'kpaleya zi 'e ta. -E pezan mu -liala dɔɔ 'mu 'laa 'mu 'gbu magbaandee 'mu 'kɔɔ -goli' 'e -zayi', 'bhe- -e 'kɔɔflenjan mu -liala 'ezin-.

Zaki -yaa' 'letre 'e 'yi -jan ngblo mu 'e ɔpia (Zaki 1). -Ya neene- Zesu 'yi mu 'e 'kpeelekaan dɔɔ -woo -yrekpa' -o 'gbu ba. -Yoo -liala 'ezin- dɔɔ waa pezan mu do -kplen 'ledɔle -a ma, 'bhe- 'ke -o 'kɔɔflenjan mu mafinyanwo. 'Bhe- droɔn' -e pe -o ni dɔɔ -o bho 'kɔɔflenjan mu 'e ba (Zaki 2).

Mee 'la zan mu -o 'gbu kun 'bhii- -zadɔ' mu,

'bhεε- 'ke -wa zi 'bhii- -o mεε -bhεεke' mu daan -Waanbhaa' a -jan 'ε 'le, Zaki 'bhε zan mu 'ε -liala dɔɔ waa -o 'gbu magbaandεε, 'bhε 'pegee sradɔle laa 'sɔle- -o ni, 'bhεε- -woo 'gbu 'wojan- mu 'ε 'klɔsikun 'elrele (Zaki 3.1-4.12).

-E pεzan mu -liala 'ezin- dɔɔ - woo -yrεkpa' -o 'gbu ba, 'kooko- waa -o 'gbu magbaandε (Zaki 4.13-5.6).

Zaki a 'lεtrε 'ε 'lεyanyrε 'ε □nɔɔ, -e -za dɔ gbε drεεwoa- Zesu 'yi mu 'ε 'kpεe dɔɔ -o bo 'eglɔɔle -o ta -yrεn mu 'ε 'yi, 'bhε 'pegee -e pe -o ni dɔɔ -woo 'seriwo mεε 'la zan mu -o -yrεn 'yi 'bhε 'pegee gadε mu 'mu a -za ma.

Zaki a 'pubɔwli

¹ 'Mi Zaki 'la 'η 'yoo- 'ke -Waanbhaa' 'pegee Mεεzan Zesu Krisi a yewonε 'le bhe, 'mi -le 'lεtrε 'lεε- de 'zi. 'Ka mu Zesu 'yi mu 'la -daa Izraeli -gbaa vu ta plε 'ε 'lii, 'bhεε- 'ka zenle -o 'drunyan 'yi 'klεen 'bhεεke mu -yi yrεkpen- □nɔɔ, 'η 'yoo- 'lεtrε 'lεε- 'kpa zii' 'ka ni 'ke 'η 'ka 'pubɔ-.

Mεε zrubaḡlinza mu 'pegee -za -ḡlɔɔ mu -yikunle

² 'Ŋ nεεnε- mu, 'ke -za -ḡlɔɔ 'oo -za -ḡlɔɔ 'la □tian 'ka ma, -kaa ye 'bhii- 'ka zrukpa' pε -gbenε -le.

³ 'Kaa 'yaango- 'bhii- 'ke -o 'ka 'kpaleya 'ε 'yidaan- 'ke -za -ḡlɔɔ 'le, 'bhεε- 'bhε 'ka daan -za -ḡlɔɔ 'yikunlele.

⁴ 'Duη- -kaa 'to 'ke -o 'kaa- -za 'yikun zru 'ε ye gbε 'ε 'kpen ma, 'kooko- 'ka klε mεε -lεsɔle mu 'le, 'bhεε- waa 'joo 'yɔɔ- 'kedo- 'kpɔ ye 'ka zi.

Mεε 'seriwoza -zadoleya -srɔɔwo zayi'

5 'Ke -zadoleya laa -o mεε 'la zan 'kɔɔ 'ka ba, 'bhe zan 'bhe 'yɛwo -Waanbhaa' ma, 'bheε- -Waanbhaa' nu 'bhe 'nale- 'bhe zan ni. -Amasɔyi, -Waanbhaa' gbε ta -o taataa pε nale ma mɔkpɛn' ni, 'bheε- yaa la mεε ta pε nayɛ nɔɔ-mεε ni.

6 'Duɲ-, 'ke 'bhe zan -o 'bhe -zadoleya 'ε 'yɛwole, -a 'kpale- klε -Waanbhaa' 'yi 'bhii- -e nu a -srɔɔwole, 'bheε- yaa -a zru klele ple 'bhe 'yɛwole 'ε ma. -Amasɔyi 'ke mεε 'la zan -a zru kle ple, 'bhe zan -o 'bhii- wɛyi- 'pɔɔ do 'la 'ke -ploo 'bhe 'lawlɛn-, -ya bεɛn, 'bheε- -ya wian yɛkɛpɛn- □nɔɔ.

7 'Bhe zru ple zan 'ε, 'bhe 'laa 'bhe -yrikpale pε 'kedo- 'kpɔ 'srɔɔwole ta Mεεzan -Waanbhaa' 'kɔɔ.

8 'Bhe zru ple zan 'ε, yaa bo -a -liijan' do 'kpɔ ta -a 'taawogbeya 'ε 'yi.

'Kɔɔflɛnya 'pegee -nafloya

9 'Ke -kɔɔ' nεɛnε- 'la -yoo 'kɔɔflɛnzɛn 'le, -ya 'gbu 'wasowo -a 'lawlɛnle 'pegee -a klele mεε gbilaan 'le -Waanbhaa' -yɛ 'yi 'bhe -zayi'.

10 'Bheε- 'duɲ-, pɛzan 'ε 'bhe 'bhe 'gbu 'wasowo 'bhe 'gbu mazina zayi'. -Amasɔyi -e nu 'kanlɛ-blaale 'bhii- -bɔn -bi 'laa mɔ gɔnε- 'la gbεɛn-.

11 -Yɛtɛbhε wlɛn, 'bheε- -e bhi 'egloole, -e -bɔn 'ε dɛ, 'bheε- 'bhe ga. 'Ke 'bhe □kla, -a -bi 'ε balaa', 'bheε- 'bhe -lɛleya 'ε 'kpɛn go 'bhe 'yi. 'Bhe klegbeya 'ε 'yi 'ezin-, yi do ta, pɛzan 'ε nu 'kanlɛ-blaale- 'ke -a -yɛgbaanle -o 'waati 'la ba -yaa' ye mu 'ε ba.

-Za mu 'la mEE -lekan' 'bHEE- -wa bo -za 'yoo-
yi

¹² 'Ke Zesu 'yi mi 'oo Zesu 'yi mi 'la -za -gloo
'yikwan□, 'bHE zan a pe -yinra! -Amasroyi 'kee-
□yaan -za -gloo 'e 'yikunlele, -e nu 'bHE ma -tron
'srōowole 'ke bole -yre ma -si 'la -Waanbhaa' 'bHE
'liiwli- □naa 'bHE 'nale- ta -a -za so mEE 'la zan
mu ni 'bHE 'le. *

¹³ 'Ke -za 'yoo- klele -o mEE 'oo mEE 'la zan
-lekan zii', 'bHEE- -e -balaa' -za 'yoo- 'yi, 'bHE zan
laa pele dōo: «-Waanbhaa' -le 'η 'lekan zii' -za
'yoo- klele 'le.» -Amasroyi pe 'kedo- 'kpō 'laa so a
klele- 'bHEE- -Waanbhaa' -za 'yoo- kle, 'bHEE- 'yee-
-Waanbhaa' 'gbu laa mEE 'kedo- 'kpō 'lekan- -za
'yoo- klele 'le.

¹⁴ 'Duη- mEE 'tōle- mEE, -a 'gbu zru maza mu
'e 'mu -le -a 'gbu 'lekan- 'bHEE- -wa glaan yretete,
'bHEE- 'mu 'a kun.

¹⁵ 'Ke -a zru maza -yoo' mu 'e -wa -yinia, -wa
-balaa' -za 'yoo- 'yi. 'Ke -za 'yoo- 'e gbaandia,
'bHEE- -a -yiyaa -a zru 'e ni, 'bHE 'leyan- 'ke 'yee-
mEE 'e gale -la -le.

¹⁶ 'N neene- mu 'la -za so 'η ni 'egbenele, 'ka 'laa
'ka 'gbu 'yinile.

¹⁷ MEE -srōowo' pe 'kpen 'lirele- 'pegee -o mEE
gba pe -lesole -lirele' 'la ba 'mu 'kpen da -kōo'
De -Waanbhaa' 'la laanima 'bHEE- ba. 'Yele-
yretēbHE 'pegee mEE, 'bHEE- mlēklen- mu 'e □kla.
Yaa -a 'gbu mabōo -titi, 'bHEE- -gblo 'kpayre- laa
-o -a mā.

* **1:12 1.12** -Zablayre □nōo, 'ke mEE 'la zan 'senj 'yaa- wo 'bHE gwledanyoon 'e 'le, -o -yaa -yri 'laa zungbhle do bo 'bHE zan 'e ηgblo ma 'bHE 'senjoza 'e -tōomasie 'le.

18 -A 'gbu zru maza ta, 'bhεε- -e -si drεε -naa -koo' ni -yaa' wlan ma jan 'ε ma. -E 'bhe □kla, 'kooko- -koo' so klele- 'bhii- -a klepe drεε mu 'ε -lwa mu 'le.

Tronkpale -jan □la 'bhεε- -a -yizaklele

19 'N nεεnε- mu 'la -za so 'η ni 'egbenεle, -kaa 'yaango- doo mεε 'tole- mεε 'bhe 'yriwlale kle 'bhe 'tronkpale ma -jan □la 'elwale 'pe, 'duη- yaa 'koole- -janwole ma 'bhe 'pegee yaa a zrupliile blaale-.

20 -Amasroyi 'ke mεε 'la zan 'bhe zrupliila, 'bhe zan laa -za 'ledoole kle -Waanbhaa' -yre 'yi 'bhe 'le.

21 'Bhela- -zayile, pe 'oo pe 'la 'bhe mεε 'kpee 'trindoo-, 'bhe 'pegee -yooya' -gloon 'ε 'kpen, -ka 'ploo 'mu 'kpen klele ma. 'Bhεε- -Waanbhaa' a -jan 'la □bwa 'ka 'kpee, -ka 'bhe 'kun 'ka zru -doo 'le, 'bhe -le so 'ka gole- -za 'yi.

22 'Ka -Waanbhaa' a -jan 'la □maa, 'ka 'laa bole 'ka 'tronkpale dron ma -a □la, -kaa -yizakle; 'kebhlaale 'ka -o 'ka 'gbu -la 'yini zii' 'bhe gbεen-bhe.

23 'Ke mεε 'la zan 'e 'tronkpaa -Waanbhaa' a -jan 'ε □la, 'bhεε- 'ke yaa 'taawole -a ta, 'bhe zan -o 'bhii- mεε 'la zan -a 'gbu wleyi' -glinna -dwalen' do 'yi, -ya 'gbu ye 'bhii- -yoo gonε- 'la gbεen-.

24 'Bhεε- 'kee- 'yaan- -a 'gbu wleyi' -glinlele 'waati 'la ba, -e jila, 'bhεε- -ya 'gbu wleyi' 'ε □ya gonε- 'la gbεen- 'bhe ni -a 'kpee 'bhe yre do 'ε □noo bhe.

25 'Ton 'la 'bhe 'lesole -o, 'bhεε- 'ke 'bhe -koo' bo -koo' 'gbu ma, 'ke mεε 'oo mεε 'la zan 'e 'yrekpaa- -a -yi 'elrele, 'bhεε- 'ke -a bloole- □bwa

'bhe 'tonj 'e ma, 'bheε- 'ke yaa bole -a 'tronkpale ma dɔŋ -a -la, 'bhe 'pegee 'kee- ni -a 'kpee; 'duŋ- 'kee- 'taawoa□ -a ta, -Waanbhaa' nu 'bhe zan 'e -dɔɔbole -a kleza mu 'e 'kpen 'yi.

²⁶ 'Ke mεε 'la zan 'a 'gbu ye 'bhii- -yoo -Waanbhaa' gba mi 'le, 'duŋ- 'ke 'bhe zan gbε laa sɔ 'bhe 'gbu 'le ta, 'bhe zan -o 'bhe 'gbu 'yini zii' 'bhe 'yi 'bhe gbεen- bhe. 'Bhe zan a 'seri 'e 'bhe -o bhaama.

²⁷ 'Duŋ- -wa pe 'kela ma dɔɔ 'seri 'weŋ 'bhe 'pegee 'seri -kpɔsɔɔ -kɔɔ' Dε -Waanbhaa' -yɛ 'yi 'bhe -le -gε: twenε- mu 'pegee glaanle mu -gblakun' 'ke -woo 'trɛbhɔ 'yi, 'bheε- 'yaa 'tolε- 'ke 'drunyan 'yi pε mu 'e 'kpee 'trinɔɔ-.

2

-Kɔɔ' 'laa pɛzan mu mabhaabhɔle 'kɔɔflenzan mu ta

¹ 'Nj nεenε- mu, 'ka 'kpale- 'la -yoo -kɔɔa' Mεεzan Zesu Krisi 'tɔbhɔle 'e 'yi, 'ka 'laa 'eke- bagolε.

² 'Nj 'bhe 'pe zii' win 'la ma, 'bhe -le -gε: 'kee- □kla 'bhii- mεε plε -nwa wlalε 'ka 'klale- o 'eke- ba yɛ 'la □nɔɔ 'bhe □nɔɔ. -A do -o 'ke pɛzan 'le, 'bheε- 'bhe -can 'kplɔ □bwa 'bhe gbε ma, 'bheε- 'bhe -baale' -o 'ke dunε- 'lrele- do 'le. 'Bheε- mεε -bhεeke' do 'e 'bhe -o 'ke 'kɔɔflenzan 'le, 'bheε- dunε- kplε do -le 'bhe ta.

³ 'Ke 'ka 'yɛkpa- mεε 'la zan -baale' -o 'elrele 'bhe ma, 'ka -gasikpa 'bhe 'lεε, 'bheε- 'kaa pe 'bhe ni dɔɔ: «Nu yala- mεε gbilaan yaayɛ 'lεε- □nɔɔ -gε.» 'Bheε- 'kaa pe 'kɔɔflenzan 'e ni dɔɔ: «'Bhi, bo 'e gaan ta». 'Ke 'ka 'laa 'bhe 'pele-, 'ka sɔ -a

pele- -a ni 'ezin- dɔɔ: «'Bhi 'nu 'yala- 'trɛ ma 'ŋ gaan ma -gɛ.»

⁴ 'Ke 'ka 'bhe ɲkla 'bhe gbɛɛn- bhe, 'ka 'laa -o mɛɛ 'ke gbɛɛn -yiya' zii' mɛɛ 'ke ni 'ka ba ɛɛ? 'Bhɛɛ- 'ka 'laa -o mɛɛ mu 'kitikan zii' 'ka 'kpeejan- -yɔɔ' mu 'ɛ 'le ɛɛ?

⁵ 'Ŋ nɛɛnɛ- mu 'la -za sɔ 'ŋ ni 'egɔɔle, -ka 'ka 'trɔnbado doo: -Waanbhaa 'drunyan 'lɛɛ- 'yi 'kɔɔflɛnzan mu 'ɛ makwan-, 'kooko- -o klɛ mɛɛ gbɛɛn mu 'le -waa' 'kpaleya -gbɛɛ 'ɛ ma; 'bhɛɛ- -o 'ciɛn klɛ 'yee- -Waanbhaa' 'a 'liiwli- ɲnaa -bhɛɛgbeya -wa 'la 'naza- ta -a -za sɔ mɛɛ 'la zan mu ni 'bhe 'le.

⁶ 'Bhɛɛ- 'ka mu, 'ka -yraladwa mɛɛ 'kɔɔflɛnzan 'ɛ ma -mɛla ma ɛɛ? -De mu -le -yɛɛkpa' zii' 'ka ta ɛɛ, 'bhɛɛ- -de mu -le 'ka 'kun 'bhɛɛ- -o ge 'ka 'le -klu ta, pɛzan mu 'ɛ 'wole- 'laa 'bhe klɛ ɛɛ?

⁷ 'Woo- pɛzan mu 'ɛ 'wole- 'laa -o Zesu Krisi 'tɔ 'lɛle- 'la -yoo 'ka ma 'bhe 'siɛ zii' ɛɛ?

⁸ Wlan 'ɛ ni, 'tonj 'la 'bhe -za 'gbu -o 'egɔɔle -Waanbhaa' a -bhɛɛgbeya 'ɛ ta, 'bhɛɛ- 'ke 'bhe yɔɔndɛle -o -yaa' 'Sɛwɛ 'ɛ 'yi 'bhe -le -gɛ dɔɔ: «'E -vindo' mi -za 'sɔ 'e ni 'bhii- 'e 'gbu -za sɔ 'e 'gbu ni gɔɔnɛ- 'la gbɛɛn-.»

⁹ 'Dun- 'ke 'ka -o mɛɛ mu bago 'zi, 'ka -o -za 'yɔɔ- -la klɛ 'zi 'bhe 'le bhe. 'Bhɛɛ- 'tonj 'ɛ -kpan baa- 'zi 'ka ta, -amasɔyi 'ka -o -a 'yisiɛ zii'.

¹⁰ 'Ke mɛɛ 'oo mɛɛ 'la zan Moizi a 'tonj mu 'ɛ 'kpen 'kɔsɔkun, 'bhɛɛ- 'ke -ya gɔ do 'kpo 'yisiɛla -o ba, -e klɛ 'bhii- -ya 'kpen -la -yisiɛla bhe -Waanbhaa' -yɛ 'yi. 'Bhe ya 'ɛ 'yi, -kpan baale -o -a ta.

11 Wlan 'ε ni, -Waanbhaa' 'la -ya □pia dɔɔ: «'Yaa -yanbhɔɔya klɛɛ,» 'yee- do 'kpɔ 'ε 'yela- □pia 'ezin- dɔɔ: «'Yaa mɛɛ dɛɛ.» 'Bhɛ ya 'ε 'yi, 'ke 'yaa -yanbhɔɔya klɛɛ, 'duŋ- 'kee mɛɛ □dia, -e Moizi a 'toŋ 'ε 'kpen -la -yisiɛla bhe.

12 'Bhɛ 'yi, -ka -janwo' 'bhɛ 'pegee 'ke 'ka 'a 'yizaklɛ 'bhii- -o nu bhaaplɛŋ mu 'la 'kitikanlɛ 'ke 'toŋ 'la 'bhɛ mɛɛ bo 'bhɛ 'gbu ma 'bhɛ 'le.

13 Wlan 'ε ni, 'ke mɛɛ mu -yren 'laa 'klalɛ- mɛɛ 'la zan ma, 'bhɛ zan -yren 'laa nu 'klalɛ- -Waanbhaa' ma, 'ke -yoo -a 'kitikanle yi 'la 'le. 'Duŋ-, 'ke mɛɛ -yrenkla' mɛɛ 'la zan ma, 'bhɛ zan -yrenklale 'ε -Waanbhaa ma 'bhɛ 'yi nu yalɛ -Waanbhaa' a 'kiti 'la -yoo 'bhɛ zan 'ε ma 'bhɛ ni.

'Kpaleya 'pegee klɛza 'lrele- mu

14 'N nɛɛɛ- mu, 'ke mɛɛ do 'a □pia dɔɔ -a 'kpale- -o -Waanbhaa' 'yi, 'bhɛɛ- 'ke yaa 'bhɛ 'kpaleya 'ε zɔn -a klɛza mu 'ε ma, 'bhɛ 'trɔn- -o -a ma -mɛla -le ɛɛ? 'Bhɛ 'kpaleya -gloɔn 'ε sɔ -a gole- -za 'yi ɛɛ?

15 'Kee- □kla 'e nɛɛɛ- 'gwlaan- 'le oo, 'kee- □kla 'e nɛɛɛ- 'le oo, 'bhɛɛ- -o ta flɛŋ- -o, 'bhɛ 'pegee pɛle kplankplan laa -o 'kɔɔ 'tanjii,

16 'bhɛɛ- 'ke 'ka do 'a □pia -o ni dɔɔ: «Bhaa -Waanbhaa' 'ka -dɔɔbo! -Ka ge pɛ □kla 'ka ta 'bhɛɛ- -niinii' go 'ka ma, 'bhɛ 'pegee -ka pɛbhle 'bhɛɛ- 'ka kpɛdɔ.» 'Bhɛɛ- 'ke -o mazadwa pɛ 'la ma, 'ke 'ka 'laa 'bhɛ 'nalɛ- -o ni, 'bhɛ 'duma 'ε -mɛla 'yanwo- 'ka ma ɛɛ?

17 'Kpaleya a pɛ -za 'ε -yoo 'bhɛɛ- gbɛɛn- bhe. 'Ke 'yee 'kpa -Waanbhaa' 'yi, 'bhɛɛ- 'ke 'yaa 'bhɛ

'wlata- za mu kle, 'yaa- 'kpaleya 'ε -yoo 'ke bhaama za -la -le.

18 'Dun- mεε do nu -a peε 'e ni dɔɔ: «'Bhi 'kpale- -o -Waanbhaa' 'yi, 'bhεε- 'mi -za 'lirele- mu kle!» 'Ke 'bhε □kla, 'mi nu -a -lekunε 'bhε zan ni dɔɔ: «'E 'kpaleya 'ε zɔn 'η ni 'kee kleza mu laa -o 'bhε ba; 'bhεε 'mi nu 'mi a pε 'kpaleya 'ε zɔnε 'e ni 'η kleza mu 'ε 'le.»

19 'Bhi pe dɔɔ 'e 'kpale- -o -a -yi 'bhii- -Waanbhaa' -o do 'kpɔ, 'bhε -o 'ke -za 'lirele- 'le. 'Dun- 'zina mu 'ε -woo kpa -Waanbhaa' yi 'bhεε- gbεεn- 'ezin-, 'bhεε- -o bεεn- gblaan 'ε 'kɔɔ -a -lεε.

20 -Zadɔkle! 'Yoo- -a zi 'bhii- 'ya 'yima 'bhii- 'kpaleya 'la 'ke kleza mu laa -o 'bhε ba, 'bhε -o 'ke bhaama 'kpaleya 'le εε?

21 -Waanbhaa' -kɔɔ' -gbɔɔ Abraamu □kla 'ke mεε -ledɔɔle -a -yre 'yi 'nale- -a ma εε? Yaa kleε -a kleza mu -la ma εε? -E -Waanbhaa' -weli' 'ε □maa, 'bhεε- -ya gbe -nε Izaki -kwan, 'bhεε- -e 'bhε □kpa 'srakagoyre 'ε □nɔɔ, 'bhεε- -e -yaa zan bi 'bhε dεε, 'bhεε- -e 'bhε kle 'ke 'sraka 'le -Waanbhaa' ni.

22 'E 'bhε □ya 'tε εε! -A 'kpaleya 'ε 'pegee -a kleza mu 'ε 'yaa- 'eke- 'yi. 'Bhεε- -a kleza mu 'ε -yaa' 'kpaleya 'ε 'leswa□.

23 'Bhε klegbeya 'ε 'yi, -Waanbhaa' a 'Sεwε -e 'kela □pia 'bhεε- 'leswa□, -ya □pia dɔɔ: «*Abraamu 'ε □kpa -Waanbhaa' 'yi, 'bhεε- 'bhε 'a □ya 'bhii- mεε -ledɔɔle 'le -yaa' 'kpaleya 'ε ma.» 'Bhεε- -Waanbhaa' 'a 'siila- 'bhε 'bhεgwlen-.

24 'Ka 'bhε □ya εε! -Waanbhaa' laa mεε ye mεε -ledɔɔle 'le -a 'kpaleya do -kplεn ma, 'dun- -ya ye mεε -ledɔɔle 'le -a kleza mu 'la da -a 'kpaleya 'ε

ba 'mu -la ma.

²⁵ 'Bhe klegbeya do 'kpo 'e 'yi, -Waanbhaa' gwlen -glin le Raabu ꞑya le -ledoolle 'le -a kleza mu 'la da -a 'kpaleya 'e ba 'bhe- ma. 'Yee- Raabu -le Izraeli mu a yre ma -klosikun mu 'e ꞑkwan 'elrele, 'bhe- -yoo -gwa -za 'yi 'ke -yoo bo zi -bheke' do ta -o jila bhla 'e zi.

²⁶ Wlan 'e ni, 'bhii- 'ke nii- 'laa -o mee 'fle 'la 'yi, 'bhe -o gbaa 'le gone- 'la gbeen-, 'bhe klegbeya do 'e yi, 'ke kleza mu laa -o 'kpaleya 'la 'yi, 'bhe 'kpaleya 'e gale -o.

3

-Koo' gbeso -koo' 'le ma 'kpaale- ta gone- 'la gbeen-

¹ 'N nene- mu, 'ka 'laa klele 'ebebele 'ke 'kaa pe doo 'ka -o klele- -Waanbhaa' a -Jan 'e daan mu 'le. 'Ka 'gbu 'a 'yaango- 'bhii- -koo' mu mee daan mu 'e, -o nu -koo' mu 'kitikanle 'egloole 'ke 'bhe kan mee -vin mu 'e ta.

² -Koo' 'kpen 'yini- 'e -gloon -bebe 'le. 'Ke mee do -yi 'laa ni -titi -a 'wojan- mu 'e 'yi, 'bhe zan 'e 'bhe -o 'ke mee -lesole do 'le. 'Bhe- -a gbeso -a 'gbu 'fle 'e 'yikunle ta -a kleza mu 'e 'kpen 'yi 'ezin-.

³ 'Ke -koo' wi -soo' blasan- bhle bo-a -lii, 'kooko- -e 'koo- zru maza kle. 'Bhe klegbeya 'e 'yi bhe, -koo' mu so 'woo- wi -soo' 'e 'ledoolle -za 'e 'kpen 'yi.

⁴ -Ka 'ka 'yrekpa 'ezin- -yi ta -batonj' -gbene mu 'e ta doo: 'ali- -woo 'egbenele bhe oo, 'bhe 'pegee -plooo -gbene mu -le so -o -yronle', 'duj- -o bhope

'fientronne do -le -o -ledoo' 'ke -o bhō mi 'ε -ya zi 'bhii- -o ge yre 'la □nōo -o ge 'bheε- □nōo.

⁵ 'Bhe ya 'ε 'yi bhe, bhaaplen nre 'ε -yoo 'ke -koo' 'fle 'ε dōpe 'fientronne do -la -le. 'Dun- -ya 'gbu magbaandε 'kee- -jan -gbene -gbene mu wo. -Ka 'ka 'yrekpa 'ezin- doo, 'te 'kleenne do -le so -boo -gbene do 'kpen 'kpaciele.

⁶ 'Bhe klegbeya do 'ε 'yi, mee nre 'ε -yoo 'bhii- 'te gbēen-. 'Yele- 'ke -za 'yoo- kli 'gbu 'ε 'le. -Yoo -koo' dōpe mu 'ε ba, 'dun- 'yele- -koo' 'fle 'ε 'kpen 'trinjo-. -Yoo 'bhii- 'te 'la da 'zi -jranama 'te 'yi, 'bheε- -e bhaaplen a 'tre ta -si 'ε 'kpen 'sie-.

⁷ -Bon 'yi srope mu 'ε 'kpen -gloōn -o, maanne- mu 'kpen -gloōn -o, wi mu 'la 'kpen 'taawo- 'mu vi ta 'mu 'kpen -gloōn -o, 'bhe 'pegee weyi- ba wi mu 'ε 'kpen -gloōn, bhaaplen 'kpaale- -o 'mu 'kpen 'wiin-.

⁸ 'Dun- bhaaplen do 'kpō gbε laa 'sōle- -lido' mee nre 'ε 'yikunle ta. Pe -yoo' -le 'kele-, bhaaplen do 'kpō gbε laa so -a -yikunle ta. -Yoo 'bhii- mle -baa'.

⁹ -Koo' 'koo De Meezan -Waanbhaa' -doo' -koo' nre do 'kpō 'la 'le, -koo' mee mu 'la -Waanbhaa' -o □kla -a bhōoma mu 'le 'mu 'danganwo 'yee- nre do 'kpō 'ε 'yela- -le 'ezin-.

¹⁰ 'Duma da -lii do 'kpō 'la □nōo, 'dangan da 'yee- -lii do kpō 'ε 'yela- nōo- 'ezin-. 'N neene- mu, 'ka 'laa 'tolε- 'kee- kle 'bhe gbēen-.

¹¹ -Yi 'nrāle- 'pegee -yi yienle, -o ple -kpen 'laa so 'pwele -yi -gluu do 'yi.

¹² 'N neene- mu, figi diin do laa so -a bhaa klele- 'ke olivi 'le, 'bheε- -droo diin do laa so 'bhe bhaa klele- 'ke figi bhaa 'le. 'Bhe klegbeya 'ε 'yi bhe, -yi

'nracle- 'pegee -yi yienle, -o ple -kpen so dale- to
ngblo do 'yi εε?

-Zadɔleya 'la da -Waanbhaa' ba

¹³ -De 'gbu -le -zadɔ' mi 'le 'ka ba εε? 'Bhεε- -de
'gbu -la yikanle -o 'ka ba εε? 'Bhε zan 'ε 'bhe 'a
zron a 'taawogbeya -lrele' 'ε 'pegee -a kleza mu
'la -e 'mu kle -a zru -doo 'pegee -zadɔleya 'le 'mu
ma.

¹⁴ 'Dun- 'ke 'ka zru 'pale- -o 'ke zranwole 'pegee
'ke zaabole zru 'le 'ka 'kpee, 'ka 'laa 'ka 'wasowole
'ke 'kaa pe doo 'ka -o 'ke -zadɔ' mu -le. -E kle 'bhii-
'ka -o wlan 'ε malaboo 'zi 'bhe gbεεn- bhe.

¹⁵ 'Bhe -zadɔleya -gloon 'ε 'bhe 'laa da laanima
-Waanbhaa' ba. 'Dun- 'bhe da 'drunyan 'lεε-
'bhεε- 'yi, 'bhe da bhaaplɛn zru -la -yi, 'bhεε- 'bhe
-o -Setran' 'koope- -la -le.

¹⁶ -Amasroyi 'ke zranwole zru 'pegee zaabo zru
-o yre 'oo yre 'la □noo, -za 'yizaale -o 'bhεε- □noo,
'bhe 'pegee kleza -yoo' 'ε 'kpen -gloon

¹⁷ 'Dun- -zadɔleya 'la da -Waanbhaa' ba, 'ke
'bhe -o mεε 'la zan 'yi, 'bhe zan -si 'ε -yoo 'wen,
yaa gwle glin, 'bhεε- -a -yi -o 'edoole, -e mεε
-klosikun, 'bhεε- -e mεε -yrenkla' 'ebebele, 'bhe
'pegee -e -za 'lrele- -bebe kle. Yaa mεε mu bago,
'bhe 'pegee yaa -za kle mεε -yre 'koo.

¹⁸ 'Ke mεε 'la zan mu yilabla ziglin, -o -waa -za
mu 'kpen kle yilabla 'yi. 'Bhεε- 'bhe 'leyanyre kle
'ke -lɛdooleya 'le.

4

Bhεgwlenya 'kpale 'drunyan ta pe mu ma

¹ Gwle mu 'pegee sra mu 'la -woo 'ka 'plen-, 'mu -o da 'zi -mε -la ba εε? Zru maza -yoo' mu 'la gwledan 'eke- ba 'ka zru 'ε 'yi, 'kooko- -o gbεblɔɔ 'ka ta, waa -o da 'zi 'mu -la ba εε?

² 'Ka 'yrεbhɔ- pε mu zi, 'duŋ- 'ka 'laa sɔ -o -srɔɔwole; 'bhεε- 'ka mεε dε, 'bhe 'pegee 'ka zranwo; 'duŋ- 'ka zru laa kpalaa'. 'Ka 'yrεbhɔ- pε 'la zi, 'ka 'laa sɔ 'bhe 'srɔɔwole. 'Bhela- -yile, gwle mu 'pegee sra mu -o 'ka 'plen-. 'Ka mu 'duŋ-, 'ka -o pε 'la zi, 'ka 'laa 'bhe 'srɔɔwo-, -amasrɔyi 'ka 'laa pε -yrεwogbeya 'ε dɔ -Waanbhaa' ma.

³ 'Ali- 'ke 'ka pε -yrεwoa -Waanbhaa' ma, 'ka 'laa 'bhe 'srɔɔwo-, -amasrɔyi 'kaa 'yrεwo win 'la ma, 'bhe -o 'eyɔole. 'Kaa 'yrεwo 'ka 'gbu 'nrayiza -la kle zayi'.

⁴ Zru plε zan mu! -Ka mu pe dɔɔ 'ka -o -Waanbhaa' zi, 'bhεε- 'ka pe 'ezin- dɔɔ 'ka -o 'drunyan 'yi pε mu zi. 'Ka 'laa 'yaango- dɔɔ 'ke mεε 'oo mεε 'la zan 'bhe bhεgwlenya -kpa'a 'drunyan ta pε mu ma, 'bhe zan kle -Waanbhaa' -sɔɔnnii' 'le εε?

⁵ Yaa klele 'ka ni 'bhii- -jan 'la -yoo -Waanbhaa a 'Sewe 'ε 'yi 'bhe -o bhaama jan 'le, 'bhe -jan 'ε 'bhe -le dɔɔ: «-Waanbhaa' 'a Lii 'la □kpa'a -kɔɔ' 'yi bhe, -e zranwo -a zru 'ε 'kpen 'le 'bhe ta, 'bhεε- -ya zi 'bhii- 'bhe bo 'yee- do -kplεn -la ni.»

⁶ 'Bhεε- drɔɔn', 'yee- -Waanbhaa' a -liley'a 'ε gbilaan -yiya' -yaa' zranwole 'ε ni, 'bhela- -yile -yaa' 'Sewe -ya 'pia- dɔɔ: «Mεε 'la zan mu 'mu 'gbu magbaandε mεε ma, -Waanbhaa' wlen 'bhe zan mu ma. 'Duŋ- mεε 'la zan mu 'mu 'gbu mazinaa, -e li 'bhεε- zan mu 'ε ma.»

⁷ 'Bhe ya 'ε 'yi bhe, -ka 'ka 'gbu mazina

-Waanbhaa' -lɛɛ, -ka dɔ -Setran' 'lɛɛ 'egboole. 'Ke 'ka 'bhe ɲkla, 'bhɛɛ- -Setran' nu 'ka 'tolɛ- 'srɔ, -e nu blasanlɛ, 'bhɛɛ- -ya plɛŋgo 'ka ma 'egboɔnlɛ.

⁸ 'Ka mu, -ka 'ka 'gbu 'mabɛɛn- -Waanbhaa' -din, 'bhɛɛ- -Waanbhaa' 'gbu nu -a mabɛɛnlɛ -ka mu -din 'ezin-. 'Ka mu -za 'yɔɔ- klɛ mu, -ka 'plooo-za 'yɔɔ- mu klɛle ma 'fɛŋfɛŋ, 'bhɛɛ- 'ka mu zru plɛ zan mu, -ka 'ka 'gbu 'kpee 'ɛ klɛ 'wɛŋ.

⁹ -Ka 'ka wleyisriwo, 'bhɛɛ- -ka bhee la pɛ mu ɲkla 'ka ta, -ka wisi' 'bhii- 'ka -o bhee la. -Ka 'kaa- 'sɔnsile 'ɛ 'niina- 'ke wisile 'le, 'bhɛɛ- -ka 'kaa zrukpa' 'ɛ niina- 'ke wleyisriwole 'le.

¹⁰ -Ka 'ka 'gbu mazina Mɛɛzan -Waanbhaa' -lɛɛ, 'bhɛɛ- -e nu 'ka 'lawlɛnlɛ.

'Ka 'laa 'eke- 'tɔ 'yɔɔ- pɛlɛ

¹¹ 'Ŋ nɛɛnɛ- mu, 'ka 'laa 'eke- 'tɔ 'yɔɔ- pɛlɛ. 'Ke mɛɛ 'la zan 'bhe nɛɛnɛ- do 'tɔ 'yɔɔ- ɲpia, 'bhe 'pegee 'kee- 'bhe 'kitikaan, 'bhe zan 'ɛ -e -Waanbhaa' a 'Tonj 'bhɛɛ- 'yisiɛ zii' bhe, 'bhe 'pegee -ya 'kiti -la 'kan zii' 'bhe gbɛɛn- bhe. 'Dun- 'ke mɛɛ 'la zan 'tonj 'ɛ 'kitikaan, 'bhe zan laa klɛ -li -a -klɔsikun mi 'le, 'bhe zan klɛ -a 'kitikan mi -la -le.

¹² -Waanbhaa' do -kplɛn -le 'ke 'Tonj 'ɛ 'kpa mi 'le, 'bhɛɛ- 'yela- do -kplɛn -le mɛɛ mu a 'kitikan mi 'le. 'Yela- do -kplɛn -le sɔ mɛɛ gole -za 'yi, 'bhɛɛ- 'bhe 'sɛŋ -o 'yela- do -kplɛn ni 'kee- mɛɛ klɛ ni pɛ 'le. 'Dun- 'bhi 'la 'bhi -o 'e -vindo' mi 'ɛ 'kitikan zii', -dele 'bhi 'le ɛɛ?

-Naflo pɛ mu -o 'ke mɛɛ -lɛkanpɛ mu -la -le

¹³ -Ka 'ka 'trɔnbado doo, 'ka mu 'la 'kaa pɛ doo: «'Kee- ɲkla -zɔn oo, 'kee- ɲkla too, 'o nu gelɛ 'taa

ta -wa do ta. -O nu lee do klele -a noo-. 'O nu yawo wole -a noo- ye, 'bhee- 'o nu -goli' 'srowole -a noo-.»

¹⁴ 'Dun-, -za 'la nu klele too, 'ka 'laa 'bhe do -zon 'ke yaa 'e go -Waanbhaa' do -kplen ba. 'Ka 'si 'e -yoo 'bhii- 'te -gblen do gbenn. 'Ke 'te -gblen 'e -e 'wlenna-, -e mo 'waati sa, 'bhee- -e piilaa' 'eke-ma, 'bhee- -e ni mee -yre ba.

¹⁵ 'Ka mu, -kaa pe dron' doo: «'Ke -Waanbhaa' -dwa -a -la, 'o nu bole 'o 'yre ma, 'bhee- 'o nu -za 'lee- 'bhe klele, 'bhee- 'o nu -za 'la bhe 'bhe klele.»

¹⁶ 'Bhee- 'dun-, 'ka mu, 'ka 'ka baa 'ka 'gbu 'wasowo ma 'liijan- -gbene -gbene mu 'e 'le. 'Bhe 'wasowogbeyaya 'e, 'bhe 'laa lele.

¹⁷ 'Bhee- 'ke mee 'la zan so -za 'wlan klele-, 'ke yaa 'bhe klele, -e -za 'yoo- -la kle 'zi 'bhe gbenn-bhe.

5

Pezan mu 'kpeelekan za mu

¹ 'Ka mu pezan mu, -ka 'ka 'tronbado doo! -Klolo' maza mu 'la nu 'tenle- 'ka ma, -ka wisi' 'bhee- -ka -gbekan' 'mu -zayi'.

² 'Kaa- -naflo mu 'e 'pa gbe -yoo 'e 'koo, -woo bon 'zi. 'Bhee- 'ka ta pe mu 'e 'pa gbe -yoo 'e 'koo, 'bhee- -glolo' mu -o bhle 'zi.

³ -Can [bwa 'kaa- -can mu 'e 'pegee 'kaa- -goli' mu 'e ma. -Can 'e nu klele 'kaa- -za 'yoo- mu 'e ma 'sre 'le. -E nu klele 'bhii- 'te do gbenn-, 'bhee- -e nu 'ka 'fle 'e 'kpen 'bhlele-. 'Ka 'kaa- -naflo mu 'e zre -dwa 'eke- ta, 'bhee- 'dun- 'drunyan 'yan yi 'e [bhwa -wa -din gban.

⁴ -Ka 'ka 'yrekpa doo! Pɛbhaa 'kan yewone mu 'la -o 'kaa- gba mu 'e ta pɛbhaa mu 'e 'kaan- 'ka ni, 'ka 'laa 'mu a ye 'e ma -sra 'lesole 'e 'nale- 'mu ni. 'Bhɛɛ- -o wisia ɔ 'egloole 'bhɛ -za 'e 'yi, 'bhɛɛ- Mɛɛzan -Waanbhaa' -Gloo -waa' wisiwli mu 'e ɔmaa.

⁵ 'Ka 'kaa- boleya 'tre ta 'e ɔkla 'kaa- -tron ma pe -la -yi, 'bhɛɛ- zru maza 'tole- zru maza 'la klele ɔswa 'ka ni, 'ka 'bhɛɛ- 'kpen ɔkla. 'Bhɛ ya 'e 'yi, 'ka -blaala 'bhii- wi blaale mu 'la de yi 'e -yoo zan bhole 'mu gbɛɛn-.

⁶ Mɛɛ 'la zan laa -za 'yoo- 'kedo- 'kpo klele 'ka ni, 'ka -kpan -balaa' 'bhɛɛ- ta, 'bhɛɛ- 'kaa ɔdia, 'ke waa -za 'kedo- 'kpo kle.

Zrubakpaaleya 'pegee 'seriwole

⁷ 'N nɛɛɛ- mu, -ka 'ka zrubakpala 'ke 'bhɛ ge 'tenle- Mɛɛzan Zesu Krisi 'nule- 'e ma. -Ka gba 'kpa mi 'e -glin doo: -E yaa gba 'e ta pɛbhaa mu 'la -za -o -a 'koo 'egloole 'mu -la 'kan bhla 'e magben. 'Kee- san la -lwa mi 'e banle ma, 'kee- nu 'tenle- la boolazi mi 'e banle ma, -ya zrubakpalaa -yaa' gba la pe mu 'e zi.

⁸ 'Ka mu 'duɲ- 'ezin-, -ka 'ka zrubakpala 'bhɛɛ- gbɛɛn-, -ka 'ka zru do 'egloole, -amasroyi Mɛɛzan 'nu yi 'e ɔbhwa gban -wa -din.

⁹ 'N nɛɛɛ- mu, 'ka 'laa 'ka 'la ma janwole 'eke- ni, 'kooko- -Waanbhaa' laa nu 'ka 'kitikanle. Mɛɛzan Zesu Krisi 'nu yi 'e ɔbhwa gban -wa -din, 'yele- 'ke 'Kitikan mi 'gbu 'e 'le.

¹⁰ 'N nɛɛɛ- mu, -Waanbhaa' -lela' janwo mu 'la -janwoa Mɛɛzan 'to 'e 'yi, -woo zrubakpalaa -waa' -yren mu 'e 'yi gone- 'la gbɛɛn-, -ka 'mu a

zrubakpaagbeyā 'ε -glin doo, 'bhεε- 'ka 'ka 'kpa -o ma 'bhε 'yansi klelele.

11 -Ka 'ka 'trɔnbado doo! Mεε 'la zan mu -yren 'yikun-, 'wa pe doo waa pe -yinra'. 'Ka Zɔbu a -yrenyikungbeyā 'ε □maa. Mεεzan -Waanbhaa' pε 'la □naa -a ni -yaa' -yren 'yikunle 'ε blaan, 'ka 'gbu 'bhε do. -Amasrɔyi Mεεzan -Waanbhaa' mεε -yrenkla', 'bhεε- -yoo 'ewlanle mεε ma.

12 'N nεεnε- mu, 'mi sɔ -za 'gbu 'la 'bhε -glooya' 'kpankpanyanle 'ka ma, 'bhε -le doo 'ka 'laa lafle' 'pegee 'trε 'bhlele-, 'bhεε- 'ka 'laa 'ka 'sienwole pε 'kedo- 'kpɔ ma. 'Kaa- «-Aani» kle 'kaa- «-Aani» 'le. 'Bhεε- 'kaa- «'Yooye-» kle 'kaa- «'Yooye-» 'le! 'Ka 'laa -jan 'bhεeke 'kpale- 'bhε ma, 'kooko- -Waanbhaa' a -kpan 'laa balaa' 'ka ta.

'Seriwole gade mu ma

13 'Ke 'ka ba mεε do -o -yrenbhle' zii', -ya 'seriwo -Waanbhaa' ni. 'Bhεε- 'ke mεε 'la zan zrukpaale -o, 'bhε zan -Waanbhaa' 'tɔbho ma 'sro mu 'kpa.

14 'Ke ga -o 'ka do ma, 'bhε zan Zesu 'yi mu 'ε -waa' zileε- mu 'ε 'sii-. 'Bhε mu nu 'mu 'seriwole -Waanbhaa' ni -a ma, 'ke -wa wiinj- sro 'ke -yrɔn 'le Mεεzan 'tɔ 'ε 'yi.

15 'Ke -woo 'seriwoa -o 'kpalele -Waanbhaa' 'yi, gade mi 'ε nu -bheele'. Mεεzan nu 'klenya 'nale- -a ni, 'bhεε- 'bhε zan -za 'yɔɔ- mu 'la □kla, -e nu 'bhε zan a -za 'yɔɔ- mu 'ε ma -sroma 'yanle-.

16 'Bhε 'yi, 'η nεεnε- mu, -ka 'kaa- -za 'yɔɔ- mu 'ε do, 'bhεε- 'ka -o pe 'eke- ni. 'Bhεε- -ka 'ka 'seriwo -Waanbhaa' ni 'eke- a -za ma, 'kooko- 'ka bhee. 'Ke mεε 'la zan -ledɔole -o -Waanbhaa' -yre 'yi,

'ke -ya 'seriwoa -Waanbhaa' ni -a zru 'ε 'kpen 'le, -glɔɔya' -gbɛɛ do kle -yaa' 'seri 'ε 'yi.

¹⁷ -Waanbhaa' -lɛla' janwo mi Eli -yaa bhaaplɛɲ 'le 'bhii- -kɔɔ' mu gbɛɛɛn-: -E -sromabwa -Waanbhaa' ni -yaa' 'seri 'ε 'yi, 'kooko- la laa ban, 'bhɛɛ- la laa banlɛ -titi 'trɛ ta lɛɛ yaga 'pegee mlɛ 'srwado- ta.

¹⁸ 'Bhɛ blaɛn, -ya 'seriwo gbɛ drɛɛwoa- 'ezin- -Waanbhaa' ni 'kaa la ban, 'bhɛɛ- la -baan 'ezin- 'Bhɛɛ- 'ke -yri diiɲ mu 'ε -woo -bhaale'.

¹⁹ 'N nɛɛɛɛ- mu, 'ke 'ka do □nia wlan a pɛ zi 'ε ma, 'bhɛɛ- 'ka ba mɛɛ -bhɛɛke' do 'bhɛ zan 'ε bɔ gbɛ drɛɛwo wlan a pɛ zi 'ε ta.

²⁰ -Kaa 'yaango- dɔɔ 'ke mɛɛ 'la zan -za 'yɔɔ- kle mi do -gwa 'bhɛ 'ni zi 'ε ta, -e kle 'bhii- -e 'bhɛ -za 'yɔɔ- kle mi 'ε 'si 'ε -gwa -za 'yi. 'Bhɛ klɛgbɛya 'ε 'yi bhe, 'bhɛ zan 'ε nu -a klɛlɛ 'bhɛɛ- -Waanbhaa' -za 'yɔɔ -bebe 'sroma- yan.

Mwan
The New Testament in the Mwan language of Côte
d'Ivoire

copyright © 2006 Wycliffe Bible Translators, Inc.

Language: Mwan

Contributor: Wycliffe Bible Translators, Inc.

All rights reserved.

2025-05-14

PDF generated using Haiola and XeLaTeX on 14 May 2025 from source
files dated 14 May 2025

1220066e-ed9e-5c66-9c3b-435a6575b8da